

明醫雜著



明醫雜著卷之二

吳郡後學薛已註

泄瀉

泄本屬濕然多因飲食不節致傷脾胃而作瀉
看時令分寒熱新久而施治治法補脾消食利
小便亦有升提下陷之氣用風藥以勝濕亦有
久泄腸胃虛滑不禁者宜收澀之

主方

白朮

錢二

白茯苓

白芍藥

炒各一錢五分

已上三味乃

泄瀉必用者

陳皮

錢一

甘草

炙五分

若傷食瀉黃或食積加神麴麥芽山查錢各一黃

連炒七若腹中窄狹再加厚朴枳實以消停滯

愚按前症若飲食已消而泄瀉未止此脾胃

之氣傷也宜用五味異功散若泄瀉而腹中

重墜此脾胃之氣下陷也宜用補中益氣湯

若服尅滯之劑而腹中窄狹此脾氣虛痞也

宜用六君子湯若脇脹少食善怒瀉青此脾

虛肝所乘也宜六君子加柴胡升麻木香若

少食體倦善噫泄黃此脾虛色陷也宜用六

君子加升麻柴胡大凡諸症若脾脉弦長者



肝木乘脾土也當補脾平肝若脾脉沉弦者
寒水侮脾土也當溫中補腎夫黃連枳實雖
消停滯開痞悶若人脾胃充實暴患實痞宜
暫用之若人屢患屢服或脾胃虛痞者而用
之則脾胃反傷而諸症蜂起矣故東垣先生
云脾胃實者用黃連枳實瀉之虛者用白朮
陳皮補之須分病之虛實人之南北而治之
後倣此

若小便赤澁短少加猪苓澤瀉

各錢

以分利之

夏月加茵陳

七分

山梔仁

炒四分

愚按前症若津液偏滲於大腸大便秘而小便少者宜用此藥分利若陰陽已分而小便短少者此脾肺氣虛而不能生水也宜用補中益氣湯加麥門五味陰火上炎而小便赤少者此肺氣受傷而不能生水也用六味地黃丸加麥門五味腎經陰虛陽無所生而小便短少者用滋腎丸腎氣丸腎經陽虛陰無所化而小便短少者用益氣湯六味丸若誤用滲泄分利復傷陽氣陰無所生而小便不利或目睛凸出腹脹如鼓或腿膝腫硬或皮

膚斷裂者先用滋腎丸益氣湯每見元氣虛而復用澤瀉猪苓之類因損真陰以致前症

益甚者急投金匱加減腎氣丸多有復生者

若反服牽牛大黃峻劑而通之是速其危也

若口渴引飲加乾姜

一錢五分

人參麥門冬

各一錢

升

麻

四分

烏梅肉

五箇

愚按前症若胃氣傷而內亡津液者用七珠

白朮散胃氣弱而津液少者用補中益氣湯

氣血俱虛而津液少者用十全大補湯腎虛

津液短少者用六味地黃丸腎水不足而虛

火上升者用加減八味丸若腎水不足之人
患泄瀉或服分利之劑過多而患口渴者若
不用前藥以固其本源則肺腎復傷多變小
便不利肚腹水腫等危症矣○憲副屠九峯
先瀉而口渴尺脈數而無力恪用解酒毒利
小便之劑不應余曰此腎陰虧損虛火熾盛
宜急壯水之主不然必發疽而不能收斂也
不信別服降火化痰之劑果患疽而歿

若夏秋之間濕熱大行暴注水瀉加黃連蒼朮

澤瀉

各一錢

升麻木通

各五分

發熱作渴加乾姜石

膏

錢各一

黃疸小便赤加茵陳

錢一山梔木通

各五

愚按東垣云若值秋燥行令濕熱少退體重
節痛口舌乾燥飲食無味二便不調不欲飲
食或食不化兼灑淅惡寒悽慘面惡此肺之
脾胃虛而陽氣不伸也用升陽益胃湯治之
前症若濕熱內作脾胃不能通調而致者宜
用此藥分利之濕熱已去脾胃虛弱而致者
宜用六君子當歸調補之濕熱已去脾氣下
陷而致者宜用補中益氣湯升舉之其黃疸
若小便不利四肢沉重渴不欲飲此濕勝於

熱用大茵陳湯大便自利茵陳梔子黃連湯
若往來寒熱身黃者宜用小柴胡加梔子
因勞傷形體飲食失節而身黃者用小半夏
湯益黃疸為內傷不足之症宜調補脾胃元
氣為主若妄用驅逐復傷元氣多致不起

若久瀉脾胃虛弱飲食難化加黃耆

炙人參各一

錢

神麴麥芽

各一錢二分

木香

煨

乾薑

炙各五分

愚按前症或作嘔或飲食少思屬脾胃虛弱
用四君子加半夏木香或無作嘔或腹作痛
屬脾胃虛寒用六君子加炮姜木香若麥芽

善損腎神麵善化胎消腎不宜輕用大抵此
症多由泛用消食利水之劑損其真陰元氣
不能自主持遂成久泄若非補中益氣湯四
神丸滋其本源後必胸痞腹脹小便淋瀝多
致不起

若久瀉腸胃虛滑不禁加肉苳蔻訶子皮赤石

脂

錢各一

木香

煨

乾薑

炙各五分

愚按東垣先生云中焦氣弱脾胃受寒冷大
便滑瀉腹中雷鳴或因悞下之傳寒中復遇
時寒四肢厥逆心胃絞痛冷汗不止此腎之

脾胃虛也用沉香溫胃丸治之竊謂前症若脾胃虛寒下陷者用補中益氣湯加木香肉荳蔻補骨脂若脾氣虛寒不禁者用六君子湯加炮薑肉桂若命門火衰而脾土虛寒者用八味丸若脾腎氣血俱虛者用十全大補湯送四神丸若大便滑利小便閉澀或肢體漸腫喘嗽唾痰爲脾腎虧損宜用金匱加減腎氣丸

若飲酒便泄此酒積熱瀉也加黃連炒茵陳乾

姜

錢各一

木香

分五

愚按前症若酒濕未散脾氣未虛宜用此藥
分利濕熱若濕熱已去中氣被傷宜用六君
子調補中氣若誤服尅伐分利之劑胸膈漸
滿小便短少或腿足與腹漸腫者急用加減
金匱腎氣丸調補脾胃多有生者夫酒性大
熱乃無形之物無形元氣受傷當用葛花解
醒湯分消其濕徃徃反服大熱酒癥丸重瀉
有形陰血使陽毒大旺元氣消亡折人長命

金匱要畧云酒疸下之久而爲黑疸每見善

飲服酒癥丸者多患疸症不悟其因反服分

利化痰以致變症而歿者多矣詳見奇效方○香

水卜封君善飲腹痛便泄服分利化痰等劑

不應其脉滑數皮膚錯甲余謂此酒毒致腸

癰而潰敗也辭不治不信仍服前劑果便膿

而歿○光祿柴黼菴善飲泄瀉腹脹吐痰作

嘔口乾余謂脾胃氣虛先用六君子加神麴

痰嘔已止再用補中益氣加茯苓半夏瀉脹

亦愈○舊僚錢可久素善飲面赤痰盛大便

不實余以爲腸胃濕痰壅滯用二陳苓連山
梔枳實乾葛澤瀉升麻一劑吐痰甚多大便
始實此後日以黃連三錢泡湯飲之而安

若寒月溏泄清冷腹痛傷生冷飲食加神麴麥

芽

炒

乾姜

炙各

錢

縮砂

益智木香

各七

分

愚按前症若脾腎虛寒宜用四神丸若脾腎

虛脫用六君姜桂如不應急補命門火以主

脾土○一儒者小腹急痛溏泄清冷大便欲

去不去余謂此命門火衰而脾土虛寒也用

八味丸月餘而愈向後飲食失宜前症仍作

小腹重墜此脾氣下陷也用補中益氣湯而
痊

痢疾

痢是濕熱及食積治者別赤白青黃黑五色以
屬五臟白者濕熱傷氣分赤者濕熱傷血分赤
白相雜氣血俱傷黃者食積治法瀉腸胃之濕
熱開鬱結之氣消化積滯通因通用其初只是
下下後未愈隨症調之痢稍久者不可下胃虛
故也痢多屬熱然亦有虛與寒者虛者宜補寒
者宜溫年老及虛弱人不宜下

主方

黃芩炒

黃連炒各五分

白芍藥炒上二錢

蘇乃痢疾之必用者

木香

枳殼炒各五分

甘草炙三分

檳榔錢一

右姜水煎服

若腹痛加當歸錢一

縮砂錢一再加木香芍藥各五分

愚按前症若因濕熱鬱結後重不利宜用此方若飲食停滯用二陳湯加山查送香連丸仲景先生云脉沉而有力者屬裏實也宜下

之沉而無力者屬裏虛也宜補之元氣虛滑者宜溫之澁之脉滑而數者有宿食也當下之脉浮大此爲虛而強下之故也脉浮革者因而腸鳴當溫之下痢腹堅者當下之下痢譫語有燥屎當下之下痢三部脉皆平按之心下堅急下之下痢脉大浮弦當自愈下痢腹滿痛爲實當下之治者審焉

若後重加滑石

分炒五

再加枳殼檳榔芍藥條芩

各五分

愚按痢而便膿血者乃氣行而血止也行血